



## **TOSHKENT DAVLAT YURIDIK UNIVERSITETI REKTORINING B U Y R U G ' I**

21.12.2022

399-um-son

### **Toshkent davlat yuridik universitetida talabalarning qishki ta'tillarini samarali tashkil etish to'g'risida**

O'zbekiston Respublikasi Vazirlar Mahkamasining 2022-yil 3-oktabrdagi "Oliy, o'rta maxsus va professional ta'lim muassasalari talaba va o'quvchilarining qishki ta'tilini tashkil etish to'g'risida"gi 560-son qarori hamda O'zbekiston Respublikasi oliy va o'rta maxsus ta'lim vazirining 2022-yil 2-dekabrda "Yangi yil bayrami arafasida ta'lim muassasalarida tinchlik-osoyishtalikni saqlash hamda talaba-o'quvchilarning qishki ta'tilini yuqori saviyada o'tishini ta'minlash to'g'risida"gi 395-son buyrug'ida belgilangan vazifalar ijrosini ta'minlash, shuningdek, Toshkent davlat yuridik universitetida talabalarning qishki ta'tillarini yuqori saviyada tashkil etish maqsadida

### **BUYURAMAN:**

1. O'zbekiston Respublikasi Vazirlar Mahkamasining 2022-yil 3-oktabrdagi 560-son qarori hamda O'zbekiston Respublikasi oliy va o'rta maxsus ta'lim vazirining 2022-yil 2-dekabrda 395-son buyrug'i rahbarlik va ijro uchun qabul qilinsin.

2. O'zbekiston Respublikasi o'rta maxsus, professional va oliy ta'lim muassasalari talaba (o'quvchi)larining har yilgi ikki haftalik qishki ta'tilini dekabr oyining oxirgi o'n kunligi va yanvar oyining birinchi o'n kunligi oralig'ida o'tkazish belgilanganligi inobatga olinsin.

3. Talabalarni qishki ta'til davomida o'z uylariga xavfsiz borib-kelishlarini tashkil etish bo'yicha universitet tezkor shtabi tashkil etilsin hamda uning tarkibi ilovaga muvofiq tasdiqlansin.

4. Fakultet dekanlari:

talabalarning qishki ta'til davomida o'z uylariga xavfsiz borib-kelishlari bo'yicha tushuntirish ishlarini olib borsin va zarur choralarni ko'rsin hamda bu jarayonda talabalarning ota-onalari bilan yaqindan hamkorlik qilish choralari ko'rsin;

talabalarning viloyatlarga jo'nab ketishi hamda qaytib kelish jadvalini shakllantirib belgilangan muddatlarda universitet tezkor shtabiga taqdim etib borish choralari ko'rsin;

2 kun muddatda qishki ta'til davomida o'z uyiga bormaydigan va Toshkent

shahrida qoladigan talabalar ro'yxatini shakllantirib tezkor shtabga taqdim etish choralarini ko'rsin;

Ma'naviyat va ma'rifat markazi, O'zbekiston yoshlar ittifoqi boshlang'ich tashkiloti bilan birgalikda talabalarning qishki ta'til davridagi bo'sh vaqtlarini mazmunli tashkil etish maqsadida ular uchun turli loyihalar tashkil etish choralarini ko'rsin;

qishki ta'til davomida Toshkent shahrida qoladigan talabalar holidan xabar olish, ularning orasida ijtimoiy himoyaga muhtoj bo'lgan hamda mehribonlik uylarida tarbiyalanganlariga bayram sovg'alarini taqdim etish choralarini ko'rsin.

#### 5. Tezkor shtab (A.Xashimhonov):

talabalarning qishki ta'til davomida o'z uylariga borib-kleishlari va ta'til jarayonini samarali tashkil etish bo'yicha ishlarni muvofiqlashtirsin;

qishki ta'til vaqtida doimiy yashash joyiga ketmaydigan (borar joyi bo'lmagan davlat qaromog'idagi chin yetimlar hamda doimiy yashash joyiga ketish imkoni bo'lmagan xorijlik) talabalarga qishki ta'til davrida zarur sharoitlar yaratish maqsadida Talabalar turar joyida vaqtincha yashab turishlari uchun joy ajratilishini nazoratga olsin va ularning holidan xabar olish bo'yicha mas'ullarni biriktirish choralarini ko'rsin;

barcha talabalarning ta'tilga chiqib ketish va undan qaytib kelish kunlarida ularni kuzatish va kutib olish ishlarini tizimli amalga oshirish uchun mas'ul belgilab, bu boradagi ishlarni samarali tashkil etilishini nazorat qilsin;

bayram kunlari Talabalar turar joylarida qoladigan hamda ijtimoiy himoyaga muhtoj talabalarga oziq ovqat mahsulotlarini sotib olishlari va bayramni yuqori kayfiyatda kutib olishlari uchun xayriya tadbirlarini tashkil etish va homiylarni jalb qilish choralarini ko'rsin;

so'ralgan ma'lumotlarni yuqori turuvchi tashkilotlarga taqdim etib borsin.

#### 6. Moliya iqtisod masalalari bo'yicha prorektor A.Iminov:

universitet va Talabalar turar joyida vaqtinchalik foydalanilmaydigan o'quv va boshqa xonalarning issiqlik va elektr tizimini texnika xavfsizligiga rioya qilgan holda o'chirib qo'yilishini nazorat qilsin;

universitet va talabalar turar joyi binolarida birlamchi yong'inni o'chirish dastgohlarini va yong'inning oldini olish qurilmalarini qayta texnik ko'rikdan o'tkazilishini nazorat qilsin;

barcha o'quv binolari, talabalar turar joylaridagi xonalar hamda tomga chiqish eshiklari va yerto'la (podval)larning to'liq yopilganligini yong'in xavfsizligi xodimlari bilan birgalikda ko'rib chiqib, tegishli dalolatnoma bilan rasmiylashtirish choralarini ko'rsin.

7. Xalqaro hamkorlik va uzluksiz ta'lim bo'yicha prorektor D.Umarov yuqorida belgilangan vazifalar ijrosini universitet huzuridagi ta'lim muassasalari hamda yurdik texnikumlarda amalga oshirilishini nazorat qilsin.

8. Ushbu buyruq ijro nazoratini o'z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Talabalar orasida ijtimoiy-ma‘naviy  
muhit barqarorligini ta‘minlashga  
mas‘ul bo‘lgan rektor maslahatchisi

A.XAKNAZAROV



yuriskonsult

D.ALIBOYEV



Devonxona mudiri

X.ABDULLAYEV

